

# ՀԱՄԱԶԳԱՅԻՆ ՄԵԾ ՏՕՆԸ

## ՅՈՐԵԼԵԱՆԻ ՇՈՒՐՋԸ

Առաջիկայ յորելեանակական հանդէսների առիթով հոկտեմբերի 14-ին ցերեկայ ժամը 2<sup>1</sup>/<sub>2</sub>-ին Թիֆլիսի ժողովարանի ձմեռային շէնքում տեղի կունենայ բանկէտ: Մասնակցողները վճարում են 5 ռուբ., իսկ ծխական զպրոցների ուսուցիչ-ուսուցչուհիները՝ 3 ռուբլի:

Յորելեանական տոնախմբութիւնների ծրագիր կազմելու համար Թիֆլիսի թեմի առաջնորդարանում խորհրդակցութեան են հրաւիրւած զանազան ընկերութիւններից և հաստատութիւններից հետեւեալ անձինք. Մ. Արամեան, բժ. Բ. Աղասարեան, Ա. Այվազեան, Արմէնեան, Յ. Աղաբաբ, Ս Արովեան, Բ. Առաքելեան, Ա. Աբեղեան, Բարսեղեան, Գ. Բաշինջաղեան, բժ. Ա. Զարգարեան, Յովհ. Թումանեան, Ս.

Լիսիցեան, Ա. Պատրսեան, Խ. Պաշատրեան, Յ. Պունունց, Ս. Կաֆեան, Մ. Մարտիրոսեան, Ս. Մալխասեան, տիկ. Հ. Մարտիրոսեան, Ա. Միրեան Ս. Յարութիւնեան, Ն. Յարոյ, Ռ. Յովհաննիսեան, Ա. Նազարեան, Ս. Սուլխանեան, Յովհ. Տէր-Միրաբեան, Մ. Քայանթարեան, Յ. Քոչարեան, տիկ. Շ. Յովհաննիսեան, Գ. Դուլխանեան, Գիւտ ա. ք. Ազանեան, Վալադեան:

Թիֆլիսի ծխական զպրոցների ուսուցչիչներից կազմւած է մի մասնախումբ, որը տանելու է բոլոր աշակերտներին յորելեանի առիթով հոկտեմբերի 14-ին Արտիստիկ. թատրոնում լինելիք ներկայացմանը («Սահակ և Մեսրոպ» Ա. Արմէնեանի):

Երէկ երեկոյան նշանակւած էր Թիֆլիսի ծխ. զպրոցների ուսուցիչների և հոգաբարձուների ժողով՝ էջմիած-

նում կատարելիք յորելեանական հանդէսներին ներկայ գտնելու համար ներկայացուցիչ ընտրելու:

Արդէն տպւած և ցրւած են Թիֆլիսի թեմի դպրոցներին և աշակերտներին բաժանելու համար Ս. Սահակի և Ս. Մեսրոպի մեծագիր պատկերները:

Թիֆլիսի Երաժշտական ընկերութեան վարչութիւնը որոշել է ամբողջ կազմով ներկայ գտնել Թիֆլիսում լինելիք յորելեանական հանդէսներին և երաժշտական անդրանիկ հրատարակութիւնը նւիրել յորելեանին: Ընկերութեան կողմից էջմիածնում կատարելիք յորելեանական հանդէսներին ներկայ լինելու համար ներկայացուցիչ է ընտրւած երաժշտագէտ Գ. վարդ. Զէօրեքչեանը:

### ԳՐԱԿԱՆ ՖՈՆԴ

Գրական ֆոնդի օգտին խմբագրութիւնս ստացաւ կրասնովոզսկից՝ պ. Նիկոլայ Մինասևանից 3 ր., որ հաւարւած է պ. Գէորգ Պապովեանի տանը մի համեստ ընթրիքի ժամանակ:

Այս գումարը աւելացնելով նոյն նըպատակով խմբագրութեանս մէջ ստացւած նախկին գումարի հետ, ներկայումս ունենք 103 րուբլի:

Ներկայումս Թիֆլիսում գտնուող պ. Արամ Բաֆֆին նշանակւած է պատ-

գամաւոր Լոնդոնի Հայ Միացեալ Ընկերութեան և հայ գաղութի կողմից մասնակցելու Համապայլիս տօնախումբութեանը էջմիածնում:

Երէկ հաղորդել էինք այն մասին, թէ ինչ ձևով պէտք է կովկ. Հայոց Բարեգ. ընկերութիւնը մասնակցի առաջիկայ յորելեանական տօներին: Այդ գրութեան մէջ թիրամացութեամբ բաց էր թողնւած հետևեալը. Պորտուգալ որոշել է նաև Ա. Պողոսեան ֆոնդով հրատարակւած գրքերը յորելեանի առթիւ հանրամատչելի գներով տարածել հասարակութեան մէջ և 25 օրինակ էլ նւէր ուղարկել Գէորգեան ճեմարանի բարձր դասարանի աշակերտներին համար:

Բազում հոկտեմբերի 12-ին, շաբաթ օրը, հայոց եկ.-ձխ. դպրոցներում սովորական պարագմունքներ չեն լինիլ, այլ ուսուցիչները իրենց դասարաններում կը բացատրեն աշակերտաշակերտուհիներին հայոց գրերի գիւտի և տպագրութեան նշանակութիւնը:

Ներկայումս Բազումն է գտնուում Շամախու թեմի առաջնորդ Անանիա արքեպիսկոպոսը, որը, տեղական թերթերի ասելով, մտադիր է հաւգանակութիւն բանալ դպրոցական ֆոնդի համար: